

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საია არჩევნების დღის მონიტორინგის მეორე შუალედურ ანგარიშს აქვეყნებს

თბილისში, ქუთაისსა და ბათუმში, სადაც საქართველოს ახალგაზრდა იურისტთა ასოციაცია დაკვირვებას ახორციელებს ამ დროისათვის შემდეგი ტენდენციები ფისქირდება:

- ხმის მიცემა არაუფლებამოსილი პირის მიერ;
ბათუმის 79-ე ოლქის 41-ე უბანზე მოქალაქემ ხმა სხვა ამომრჩევლის (ლევან ხარაბიშვილის) ნაცვლად მისცა; ამავე უბანზე ორმა პირმა სცადა სხვა მოქალაქის (მამუკა ლორიას და მამუკა მატკავას) ნაცვლად კენჭისყრაში მონაწილეობა, თუმცა კომისიის წევრებმა მათ ხმის მიცემის საშუალება არ მისცემს.

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



79-ე ოლქის მე-16 უბანზე მისულ 3 ამომრჩეველს საარჩევნო სიებში მისი გვარის გასწვრივ ხელმოწერები დახვდათ.

- უბანზე მისული ამომრჩეველების კონტროლი;
ისანის მე-5 ოლქის 77-ე უბნის მიმდებარე ტერიტორიაზე ნაციონალური მოძრაობის წარმომადგენლები გამოცხადებული ამომრჩეველების ვინაობას ინიშნავენ.
იგივე ხდება გლდანის მე-10 ოლქის 24-ე, 53-ე, მე-9, 54-ე უბნებზე;
სამგორის მე-6 ოლქის 83-ე უბანზე; მე-10 ოლქის;
ნაძალადევის მე-9 ოლქის 55-ე უბანზე;
ვაკის მე-2 ოლქის 24-ე უბანზე;
ქუთაისის 59-ე ოლქის მე-16, 60-ე, 71-ე, 69-ე, 42-ე, 39-ე, 33-ე უბნებზე;
ბათუმის 79-ე ოლქის 21-ე 75-ე, 21-ე, 23-ე, 58-ე, 1-ლ, მე-2, მე-3, მე-6, მე-7, მე-8, 49-ე, 53-ე უბნებზე;

- ბიულეტენის უბნიდან გატანა;
ბათუმის 79-ე ოლქის 62-ე უბანზე, დაახლოებით 12 საათისთვის უბანზე მოსულმა ამომრჩეველმა უბნიდან საარჩევნო ბიულეტენი გაიტანა. დამკვირვებლის შენიშვნის მიუხედავად საარჩევნო კომისიამ ამ ფაქტთან დაკავშირებით რეაგირება არ მოახდინა.
- მარკირების; მარკირების შემოწმების შეუსრულებლობა;

კრწანისის მე-4 ოლქის 31-ე უბანზე მარკირების შემოწმების აპარატი გაფუჭებული იყო. კენჭისყრა შეჩერდა, თუმცა, 15-მდე ამომრჩეველმა გაუმართავი აპარატის პირობებში უკვე მიიღო არჩევნებში მონაწილეობა;

- სიებთან დაკავშირებული პრობლემები;
დიდუბის მე-8 ოლქის პირველ, მერვე და მეცხრე, უბანზე გადასატანი საარჩევნო ყუთის სიაში შეყვანილია არაუფლებამოსილი ამომრჩეველები, სულ 24 პირი. კერძოდ, პირები რომლებსაც შესაბამისი თხოვნით კომისიისთვის არ მიუმართავთ არჩევნებამდე 2 დღით ადრე.
- დამკვირვებლებზე ზეწოლა;

სანის მე-5 საარჩევნო ოლქის მე-80 უბანზე ისნის საოლქო საარჩევნო კომისიის თავმჯდომარემ საიას დამკვირვებელს აუკრძალა რეგისტრატორების მაგიდასთან მიახლოება.

ჩუღურეთის მე-7 საარჩევნო ოლქის მე-12 უბანზე საიას დამკვირვებელს დაწერილი საჩივრის გამო კომისიის თავმჯდომარემ საჩივარი შეუდგინა.

- უბნის არასათანადოდ მოწყობა;

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



დიდუბის მე-8 ოლქის 56-ე უბანზე მიღება-ჩაბარების აქტში ბიულეტენების ოდენობა მითითებული არ იყო.

კრწანისის მე-4 ოლქის 31-ე უბანზე კენჭისყრის ჩანაწერთა წიგნში არ შეიტანეს მიღებული ბიულეტენების ოდენობა;

- საკონტროლო ფურცლების არასათანადოდ შევსება;
ქუთაისის 59-ე ოლქის 89-ე უბანზე საკონტროლო ფურცელი დაგვიანებით ჩავარდა მას შემდეგ, რაც პირველმა ამომრჩეველმა კენჭისყრაში მონაწილეობა მიიღო;
- უბანზე არაუფლებამოსილი პირების ყოფნა;

ჩუღურეთის მე-7 ოლქის 27-ე, 20-ე უბნის ტერიტორიაზე იმყოფებოდა პოლიციელი. საჩივრის დაწერის შემდგომ თავმჯდომარემ პოლიციელს უბნის ტერიტორია დაატოვებინა.

ჩუღურეთის მე-7 ოლქის მე-8 საარჩევნო უბანზე პოლიციის თანამშრომელი იმყოფება უბნის ტერიტორიაზე; საჩივრის დაწერის შემდგომ თავმჯდომარემ პოლიციელს უბნის ტერიტორია დაატოვებინა.